

摘藻堂四庫全書薈要

經部

欽定四庫全書薈要

經部

詩補傳卷二十八至




欽定四庫全書薈要卷九百五十一

經部

詩補傳卷二十八

商頌

逸齋

周用六代之樂故周太師有商頌而太史公謂宋襄
欲為盟主其大夫正考甫美之故追道契湯高宗

之所以興作商頌其說本之韓氏今所存五篇皆言
湯孫及武丁孫子無一辭及宋則知太史公之為妄
矣魯頌為僖公而作所言皆美僖公獨闕宮略推美

姜嫄后稷與太王文武遂及周公魯公豈有為襄公
作頌而不及宋可乎說者謂其辭古奧不類周世之
文而國語閔馬父之言亦與今序合誠至論也或者
乃謂周成王始封熊繹於荆至周惠王時始有楚號
遂疑商時未有荆楚乃欲假此以實韓氏之說殊不
知荆自帝嚳九州已有荆州之名至禹貢分別山川
則荆及衡陽為荊州乃在南即荆楚也荆岐既旅至
于荊山乃在西蓋雍州之荆也詩人已有二荆故以

荆楚別荆岐耳既自古有荆孰謂周封熊繹始有荆哉然則以荆為荆楚自商頌始孰謂周惠王時始有楚哉商頌聖人存之為一經之終與書秦誓同信傳而不信經非所敢聞也

那祀成湯也微子至于戴公其間禮樂廢壞有正考甫者得商頌十二篇於周之大師以那為首

成王既殺武庚封微子啓代武庚為商後十傳至戴公當宣王時其大夫正考甫乃孔子七世祖得商頌

十二篇於周之大師歸以祀其先王孔子時又亡其
七篇以那為首幸那詩不亡後世猶得見祀成湯之
詩也

猗於與余下同那與寘我執桃鼓奏鼓簡簡行我烈祖湯

孫奏假格綏我思成執桃鼓淵淵嘒嘒管聲既和且平依

我磬聲於赫湯孫穆穆厥聲庸鼓有斲亦萬舞有奕我

有嘉客亦不夷懌自古在昔先民有作溫恭朝夕執事

有恪顧予烝嘗湯孫之將

竊讀商頌知古人之簡朴見之文辭者未易以章句
文義求也如那之詩方歎其樂之盛多而止及於鞀
鼓遂言感格中間方論鞀鼓管磬之音遽歎湯孫之
美於後復論鼓舞嘉賓而以烝嘗終焉學者要當如
讀盤誥不必以文義相屬識其大旨可也那之大旨
在祭祀作樂能感格神人耳猗歎辭那多也首歎商
之樂何其盛多邪然置我之鞀與鼓奏鼓之聲簡簡
然大而不繁已足以衍樂我烈祖成湯則樂何以盛

多為哉湯孫謂主祀之時王可以奏感格之效謂祖考所以安我者使我遂其孝思而成其祀事此與夔之論樂以夏擊鳴球搏拊琴瑟為祖考來格之意同謂聲音之感格不以盛多為貴也次言鼓聲淵淵而深管聲嘒嘒而細與堂上之玉磬相依而皆和平足以顯湯孫之美名此與舜之命夔八音克諧無相奪倫之意同謂非其人不能致樂之和也次言大鍾大鼓斲然而盛干羽之舞奕然而大而先代之後來助

祭者亦豈不悅懌此與夔之論樂虞賓在位羣后德
讓之意同也謂樂之感格先祖考而次及在位之人
也卒言祀事非今日創之為也自古先民莫不溫恭
於朝夕而執事則恪敬也謂平居則朝夕溫然可即
而不忘於恭故於執祀事之時則愈恪而敬也祖考
其尚顧予之烝嘗哉乃湯孫之所將奉庶幾其必饗
也閔馬父曰先聖王之傳恭猶不敢專稱曰自古曰
在昔曰先民蓋謂以敬奉祀德之美也猶謙曰非我

能然乃效先民之所為耳猶堯舜禹臯陶君臣盡道不敢謂己之能而曰稽古也然則朝夕則溫恭執事則有恪乃從古聖賢之常行湯孫能師古者也或曰商人尚聲臭味未成滌蕩其聲樂三闋然後出迎牲所以首言奏鼓亦通是詩與周頌同

烈祖祀中宗也

中宗太戊湯之四世孫有桑穀之異懼而修德商道復興先儒謂烈祖中宗也如丙以甲為祖戊以丙為

祖也此篇大旨在奉祀之得禮比上篇差有次序其簡朴亦似之湯與中宗同稱烈祖不為異也

嗟嗟烈祖有秩斯祐申錫無疆及爾斯所既載清酤戶

賚我思成亦有和羹既戒既平駸假同格下無言時靡有

爭綏我眉壽黃耆無疆約軼錯衡八鸞鸛鸛七以假以

享我受命溥將自天降康豐年穰穰來格來饗降福無疆顧予烝嘗湯孫之將

嗟嗟有歎息勞苦之意言烈祖而云嗟嗟以簡朴故

也若周頌則言於穆於皇乃近於文矣謂中宗為烈祖已有復興之功也祐福也秩秩有序也申重也惟其有序所以重錫後人也爾指主祀之君也言今及於爾之所其後未艾也清酤和羹皆祭祀之物凡祭酒在先羹在後所謂差有次第也始用清酤已謂祖考所以賚我者使我遂其孝思而成其祀事猶上篇言奏鼓即言綏我思成也儀禮祭祀燕享每言羹定而後行禮蓋戒則夙戒其事平則腥熟得節矣此之

謂羹定亦曰和也羹既和則執事者饌至寂然無人
聲故曰無言謂其講習既熟臨時靡有交侵其職事
所以靡有爭也祖考於是安我眉壽使我享黃耇之
年無疆也約軹謂轂之飾纏約以皮而朱漆之也錯
衡謂錯置文采於車之衡也鸞在鑣四馬則八鸞鷩
鷩金飾之盛也此言助祭之諸侯也其奉祀之物主
祀之君執事之人助祭之諸侯皆得禮如此固足以
格祖考而來享矣況我主祭之君方受天命溥而且

將謂甚大也天方降之以康年使黍稷穰穰之多則
祖考來格來饗降我以無疆之福必矣祖考尚顧我
之烝嘗哉乃湯孫之奉祀也上言以假以享謂有以
致之也下言來假來享謂可以必致也先言主祀次
及執事次及助祭亦有次第至以天命自許而以豐
年自喜恃其君為湯之子孫謂祖考之必顧亦簡朴
之辭也是詩與周頌同

玄鳥祀高宗也

高宗武丁中宗之五世孫有飛雉之異懼而脩德商道復興是詩止言商之所以興下及於孫子辭簡而旨多信其為商之文也

天命玄鳥降而生商宅殷土芒芒古帝命武湯正域彼四方方命厥后奄有九有商之先后受命不殆在武丁孫子武丁孫子武王靡不勝龍旂十乘大騶尺志是承邦

畿千里惟民所止肇域彼四海四海來假來假祁祁景

賁維河殷受命咸宜百祿是何

河可

是詩明言天命玄鳥降而生商且為告神明之詩理
無虛誕諸儒以其近怪多疑其非嘗於生民之篇論
之詳矣後世以春分玄鳥至祈於郊禘正以簡狄有
鳥卵之異故歆慕之若當時止用玄鳥至之日祀郊
禘安得謂帝立于生商而契何以謂之玄王也且高
辛氏之世庶事朴畧安有時節祀享如後世之詳苟
無鳥卵之異亦何必用玄鳥至之日祀郊禘邪竊意
簡狄之祈子亦若姜嫄之克禋克祀以弗無子耳諸

儒於姜嫄簡狄之事皆曰玄鳥至之日以太牢祀於郊禘是不知後世取玄鳥之祥為故事而謂高辛氏亦然未之敢信也契之生也若是其神異故詩人為天降也宅居也自契至于湯八遷始居亳是未居亳之前芒芒無定也古猶昔也帝上帝也自昔上帝命有武德之成湯正治其封域于四方之諸侯隨其方而命之君覆有九州而為之王也然則商之先后其受天命可謂不危殆矣是以至于武丁之孫子猶

能以武王於天下所向無敵故曰靡不勝申言武丁
孫子益指主祭之君甚言其有武也龍旂指諸侯大
國之助祭者十乘言大國之多也禘黍稷粢盛也謂
之大禘言大祭有大國之君奉承之詩人侈其事也
邦畿千里指商之都也畿門內也謂城門內之地東
西南北共方一千里其中徑三十一里有餘也畿內
不特維民之所止肇始也彼封域極于四海之廣皆
視京師為始所以四海來至者祁祁之衆也景山商

都之望也春秋傳曰商有景亳之命殷武言陟彼景
山衛風言景山與京蓋衛乃商之舊都也負謂周也
商都滹河盤庚所謂惟涉河以民遷是也詩人言四
海之諸侯來至于京師如河水之周景山亦因山河
以起興也今亳有景山故曰景亳詩人申言商之受
命咸得其宜百祿之多皆能負荷蓋侈其事也以山
河比天子諸侯又謂其君能負荷亦簡朴之意是詩
與周頌同

長發大禘也

禘之名義取其禘其祖之所自出也又為四時之祭
名祖之所自出為大則四時之祭為小也商以契為
太祖之所自出乃高辛也

濬哲維商長發其祥洪水芒芒禹敷下土方外大國是
疆幅隕

圖

既長有城方將帝立子生商

濬哲維商稱商之先祖多濬哲之德也濬深也哲智
也有是德故發見於禎祥者亦為甚長也方洪水之

未平也芒芒然無有疆域禹敷治下土而四方之外
諸大國始有疆域由京師言之故以四方為外也幅
邊也猶布帛之有幅也隕周也謂諸大國周於天下
各有邊幅亦既長遠矣是時契之母有娥氏方大謂
有子契乃天之所立以生商之王業也

玄王桓撥

本未

受小國是達受大國是達率履不越遂視

既發相

息亮

土烈烈海外有截

才結

以契為玄王以志玄鳥之祥猶后稷之名以棄也古

人質朴故有此稱謂桓撥謂有武斷可以撥亂也惟
其有桓撥之才是以受小國大國無所不通達雖無
所不通達而能率循所行不越於禮也遂以是而視
民民無不發而應之此其所以能敷教也歟相土契
之孫也烈烈威武之盛也至此海外之國又截然聽
其命矣相土之事雖史失其傳詩人之言聖人錄之
可以為據矣

帝命不違至于湯齊湯降不遲聖敬日躋子昭假雅遲

遲上帝是祇時諸帝命式于九圍

天之眷命固未嘗違於商而由湯之前未有其德可
以配天者至于湯則德與命會故曰至于湯齊湯之
德何如哉以降已則不遲謂其遜志于學而能務時
敏也聖敬日躋謂其德日進而脩罔覺也湯之德乃
與傳說之告高宗者若相似然豈說亦有見於此歟
德既如是故昭假于天遲久而不息惟上帝之是敬
帝所以命之以天下使以身之德為九圍之法也九

圍九州也圍言其疆域也九有言有九州也猶言皆為已有也

受小球大球為下國綴張衛旒何河可下同天之休不競不綏

不剛不柔敷政優優百禄是適子恭下同受小共恭下同大共為

下國駿龐莫邦何天之龍寵敷奏其勇不震不動不難奴版

不疎小百禄是總子孔

既言下國則小球大球為諸侯所誓之瑞小共大共為諸侯所共之貢何疑之有旒謂綴於冕者龐謂犬

之駿者古詩字多通用商人語質故取微賤之物以喻下國亦以尊王者故也說者以綴旒為旗之垂者則以為旒也旣取附上為義不若謂如玉旒之垂前后皆綴於冕不必以旒為旒也齊詩以駿厖為駿駟則以為馬也旣取享上為義不若謂如駿犬之獵得獸則歸其主不必以厖為駟也詩人頌成湯受小大國之贄有如五冕之垂旒是荷天之休福也受小大國之貢有如獵師之得獸是荷天之榮寵也湯旣荷

天之福又能保其福不競則無好勝之心不綖則無
欲速之心不剛不柔則無寬猛之偏所以布政優優
而和而天之所與之百禄亦聚而不散也湯既荷天
之寵又能保其寵敷陳其大勇不可震動以有守也
不可恐懼以有養也毅然以天下自任而天所與之
百禄亦持守而不失也

武王載旆

滿具

有虔秉鉞

越

如火烈烈則莫我敢曷邕有

三蘖

葛五

莫遂莫達九有有截韋顧既伐昆吾夏桀

謂湯以武王天下載旃秉鉞以行天討旃言載載始也若所謂自葛載是也鉞言虔虔敬也若所謂恭行天罰是也如火烈烈言威武之盛如猛火也曷誰何也謂莫敢誰何也漢書作遏義亦通苞本也謂夏桀也三孽旁生萌孽也謂韋顧昆吾也湯有威武故桀與其黨昆吾韋顧三孽皆不能遂其惡也九有之諸侯既截然歸湯於是先伐韋次伐顧次伐昆吾與夏桀也檀弓言子卯不樂說者謂桀以乙卯亡左氏傳

魯昭公十八年二月乙卯周毛得殺毛伯過萇弘曰
是昆吾稔之日也以此知湯同日殺昆吾與夏桀也
鄭語曰祝融之後八姓已姓昆吾顧溫彭姓豕韋然
則昆吾韋顧與桀同惡者也

昔在中葉有震且業允也天子降于卿士實維阿衡實
左佐右又商王

此時據商祖之所自出而言則湯以前為商之中葉
也葉言其世也震動也業危也湯未興之前國弱故

震動而危懼也允信也至湯信為天所予故降生伊尹以為卿士阿倚也衡平也伊尹湯所倚而取平故以為官名實佐佑成湯以商而王天下也此詩為禘而作伊尹以功臣而與祭故卒章及之盤庚之書曰茲予大享于先王爾祖其從與享之然則功臣與祭其來舊矣是詩七章或賦或比而頌之

殷武祀高宗也

玄鳥既祀高宗矣而此詩又祀高宗何也意商頌作

於高宗之子若孫故祀高宗為不一玄鳥則美高宗之中興以有祖德故也此詩則直述高宗中興之盛也

捷彼殷武奮伐荆楚

規面

入其阻

莊呂

裒

蒲侯

荆之旅有截

其所湯孫之緒

捷雖訓疾亦有鞭笞天下所向無敵之意以殷武為言謂商王之有武者莫若高宗也武丁孫子猶曰武王靡不勝況武丁乎宜其奮然伐荆楚之國深入其

巢穴乃裒取荆旅之所截然盡平其地語高宗之功
誠無愧於為湯之孫也蓋湯既以武而王而高宗亦
能之故也易曰高宗伐鬼方三年克之然則高宗之
伐荆楚可謂不苟用兵矣

維女荆楚居國南鄉昔有成湯自彼都氏啼莫敢不來
享莫敢不來王曰商是常

此章美高宗既平荆楚因思湯之盛也謂女荆楚亦
近居國之南鄉耳昔者我祖成湯雖氏羌遠在西域

猶莫敢不來享謂貢獻也莫敢不來王謂世見也此乃商之常禮荆楚何敢不至哉

天命多辟

壁下同

設都于禹之績歲事來辟勿予禍適

直草

稼穡匪解

懈

此章美高宗荆楚既平諸侯畏服之多也來辟猶來王也謂天之所命列辟之諸侯可謂多矣凡禹所治之地無非諸侯之國都也今皆以歲事來王於商勿謂我有禍患適罰及於女也女能以民事為重治其

田野之稼穡則可以免咎也其後周成王諸侯來助祭遣之之詞曰如何新畬孟子言天子之巡守亦以土地闢田野治與土地荒蕪為賞罰之首皆此意也天命降監下民有嚴不僭不濫不敢怠遑命于下國封建厥福

此章美高宗能體天人之心以賞罰諸侯監臨也嚴畏也謂天命之臨固已可畏矣而民有尤可畏者以天之視聽在於民故也高宗能畏敬天人賞必當功

不敢僭也罰必當罪不敢濫也怠解也遑暇也高宗
用此賞罰兢兢然不敢解緩所以能命下國之諸侯
而大建我商家之福也古之明王爵命諸侯賞善罰
惡亦此意也

商邑翼翼四方之極赫赫厥聲濯濯厥靈壽考且寧以
保我後生

此章美高宗能正都邑為天下之本福及子孫也商
邑商之都也高宗能治都邑使風俗翼翼然禮遜恭

敬故四方皆取中焉謂天下視都邑為風俗也其聲
聞則赫赫而盛其威靈則濯濯而大故身享壽考康
寧之福使後嗣得以保其基業高宗享國五十九年
而其後歷世尚遠詩人之言亦驗矣

陟彼景山松柏丸丸是斷

短

是遷方斲

陟角

是虔松桷

角

有榱五連旅楹有閑寢成孔安

此章美高宗內外無事修宮室而享其逸樂也景山
商都之山其地宜松柏丸丸圓而直也自伐斷與遷

徙及方正而斲削之不敢不虔敬其事也松良材也故以為榱桷則徙而長以為衆楹則開而整王寢旣成居之甚安以見終於逸樂也周宣王中興先南征北伐然後考室詩人亦以乃安斯寢美之然宣王之詩列於變小雅而高宗之詩乃列之於頌豈以宣王中興有不克終之愧故不得為正雅而高宗中興之功有始有卒故與周頌並隆聖人刪詩寓褒貶於雅頌且以是為一經之終其旨深矣是詩六章皆賦而

頌之也

詩補傳卷二十八

欽定四庫全書薈要卷九百五十二

經部

詩補傳卷二十九

釋十五國二雅三頌名

逸齋

周召

周本作耶黃帝次子昌意之後姬姓之國在岐山之陽
姬水環流故曰周其國已亡于夏商之間后稷始封於
邠至公劉遷豳太王遷岐實周之故地省文曰周召或
作邵顏師古注漢書凡引召南皆作邵南豈古字多通

或省文為召邪黃帝之後本封於郕其國既亡故武王克商未及下車封黃帝之後於薊召即薊也後改為燕故太史遷謂武王封召公奭於北燕然則薊之為燕猶唐之為晉荆之為楚耳或曰黃帝之後封于薊者已絕成王更封召公奭於薊為燕猶封微子於宋以繼商後也皇甫謐以召公為文王之庶子信如其說則周公召公蓋兄弟也成王封周公於魯既以元子伯禽代之而留周公為師則封召公於燕亦必以元子代而留召公

為保矣史記太史公留滯周南摯虞曰古之周南今之洛陽也蓋二公分陝而治周公居東既為洛陽則召公居西即今扶風雍縣有召亭是其地也周公食采於周召公食采於召故曰周公召公雍與洛皆周之中土而其化實行于南國故曰周南召南然則孔氏以岐陽為周南呂氏春秋以為禹省南土塗山之女作候人之歌實始南音周公召公取法焉皆非其實矣

邶鄘衛

邶本又作鄩晉書作習如石勒初名習及胡部大張習
督是也鄩本庸姓之國漢有庸光及膠東庸生是其後
也衛本姬姓之國武王伐紂以其地封武庚成王時管
蔡挾武庚以叛遂以餘民封康叔於衛意邶鄩亦同時
與衛分守商之遺民其後皆為衛所有邶古作鄩邶即
省文也鄩古或作庸庸即省文也邶鄩衛皆以水得名
邶水在泰山之阜瀟水出宜蘇山衛水在靈壽禹貢恒
衛既從鄭氏詩譜云北曰邶南曰鄩東曰衛今以地理

考之多不合未知孰是

王

說者曰風土之詩曰風朝廷之詩曰雅宗廟之詩曰頌
十四國皆有風土之詩豈王者所都之地獨無風土之
詩乎故曰王國風或以王風為東周之詩二義與舊說
不同姑存之

鄭

周宣王封母弟鄭桓公友於宗周咸林之地今永興軍

鄭縣是也及幽王敗於犬戎桓公死之其子武公與晉文侯定平王於東都卒取虢鄆郕蔽補丹依疇歷華十邑今河南新鄭是也又為開封之故地此鄭與新鄭之別也

齊

武王克商封大公呂望于營丘太皞之後爽鳩氏之墟因其地有天齊山遂以為國名至成王時周公廣其地東至于海西至于南河南至于穆陵北至于無棣為五

百里之國今泰山之陰淄濰之野在封域之內

魏

魏為晉所滅今陝州平陸有魏城是其故地後以封畢萬左氏以為魏大名也蓋取象魏之義然象魏古或讀為巍莊子所謂巍然而已即巍之省文也方言自關以西秦晉之間凡細而有容者謂之魏則是魏者取其細也然則讀為魏則訓大讀為魏則訓細後人相承以魏為大固未嘗考此也

唐

唐本作鄆帝嚳分堯為鄆侯在并州平陽至周成王封母弟叔虞於堯故墟曰唐侯南有晉水故謂之晉陽至子燮遂改為晉今晉州是也左氏傳曰成王分唐叔以大路密須之鼓封於夏墟啓以夏政疆以戎索夏墟今晉陽是也在禹貢太行常山之西大原大岳之野

秦

秦伯翳之後周孝王封其裔孫非子於秦邑即隴西秦

谷是也今隴州汧原乃秦之故城至五世孫襄公救犬戎之難平王錫以岐豐之地西周之故都也

陳

周武王封舜之後妫滿於伏羲太昊之墟是為陳胡公其封域在豫州之東今之陳州是也

檜

周武王封祝融之後妘姓于鄩為子居漆洧之間即潯水以名其國字書漆洧之漆多書作潯今滎陽有古鄩

城或疑鄆與鄆字相近故誤作鄆今又轉而為檜案左氏傳云鄭祝融之墟也鄭滅檜而處之鄭語云幽王之世桓公謀滅號檜鄆仲恃險則鄆與檜古蓋通用矣

曹

曹本顓頊孫陸終之故國因漕水而得名其後周武王封叔振鐸于曹為伯在魯衛之間濟陰定陶是其地其封域在雷夏荷澤之野今廣濟軍是也傳國二十三世至于伯陽為宋景公所滅

幽

后稷始封於邠今鳳翔武功邠城是也邠亦作釐又作
釐公劉遷於幽今邠州栒邑幽亭是也幽亦作邠太史
遷以公劉為后稷之曾孫班固人物表亦然且夏太康
為啟之子則謂公劉為太康時遷於幽於理可信而漢
婁敬乃曰周之先自后稷封之邠積德累善十餘世公
劉避桀居幽則是公劉與桀並世其年之相去為甚遠
遷固作史考據必精婁敬一時之言豈足惑哉

小大雅

小雅或作宵雅學記曰宵雅肄三宵小古字通用故小
人亦曰宵人大雅或作大牙亦古字通用書有君牙禮
記作君雅

三頌 三毫辯附

周頌皆作於成王之時多出周文公之手題曰周頌以
別魯商耳不然詩三百篇除商頌外皆周詩也何獨頌
哉成王封周公元子伯禽於少昊之墟本名魯故曰魯

公曲阜者魯之隴阜委曲長七八里遂以為邑號即今之仙源縣隸兗州其封域在徐州之北大羽之野國中
有大庭庫豈大庭氏亦居此乎魯之有頌猶費誓也或
者微見禮樂征伐不自天子出邪契始封商於之地今
商州商洛縣是也地有商山因是得名自契至湯八遷
湯居亳而為亳者三北亳即今之拱州考城是也古謂
之蒙莊周蒙人也漢謂之薄蓋漢書多借同音字通用
故以亳為薄也南亳即今之南京之穀熟是也南京古

商丘豈湯以商丘之名同於始封故遷之歟西亳即今之西京偃師是也說者以為湯居西亳至盤庚自河北徙於北亳而孔氏詩正義取皇甫謐之說乃謂殷有三亳二在梁國一在河洛之間穀熟為南亳即湯都也蒙為北亳即景亳是湯所受命地偃師為西亳即盤庚所徙者也今以經傳考之書曰湯始居亳從先王居湯實帝嚳之後帝嚳之都在今偃師則湯始居西亳從先王之舊也孟子曰湯居亳與葛為鄰葛伯故國在今拱州

之寧陵考城乃其隣邑則湯次居北亳故使亳衆為之耕也左氏傳曰湯有景亳之命令景山在拱州楚丘舊屬南京則湯最後居南亳受命而有天下也然則三亳皆為湯所居謚論南北二亳是矣謂西亳為盤庚所徙誠考之未精也且殷以澉水得名澉灋同音古澉水縣乃今陳州之商水縣是也亦近南京書言盤庚將治亳殷又言盤庚遷于殷則盤庚所遷亦南亳或北亳耳況書言作惟涉河以民遷說者謂南渡河則非偃師明矣

立政曰三亳阪尹說者謂湯舊都之民來歸文王分為
三邑以處之其長居險故曰阪尹蓋東成臯南轅轅西
降谷也非謂三處皆有亳名也古之帝王惟商不常厥
邑自契至湯旣八遷三亳之外他不可考仲丁遷于囂
今河南教倉也河亶甲居相今相州也祖乙居耿今河
東皮氏也盤庚五遷乃治亳殷餘亦無可考據然則詩
所謂自彼殷商咨汝殷商則兼商山潑水而言之書曰
商書頌曰商頌蓋本契之始封而稱之也

詩補傳卷二十九

欽定四庫全書薈要卷九百五十三

經部

詩補傳卷三十

逸齋

傳曰詩無通故易無通古春秋無通義故即詁也字有異訓異音文義可一者亦既一之不可一者具疏于後

風雅頌字有異音

南亦作尼心切白虎通曰南之為言任也詩燕燕凱風泮水皆南字與心字協韻後人多倣之

風亦作孚音切詩綠衣烝民皆風字與心字叶韻後人亦多用之

雅亦作阮古切揚雄趙充國贊雅字與虎字協班固東都賦雅字與武字協

頌亦作餘封切漢儒林王式傳容禮甚嚴魯徐生善為容皆書作頌此類頗衆蓋古字通用也

詩字同音訓皆異

各取經一句為例餘當以文義各從類而讀不復悉

具

風

風風也並如字風化也選不可選也如字擇也又

施

施于中達如字設也又相在爾室息亮切視也相

御

以御于家邦如字治也祭祭可以奉祭祀如字祭也

土

下土是冒地也如字齊思齊大任如字同也有厭

有

厭其傑如字足也厭浥行露于純如字王之德之純

純

束音教彼以教以遊五羔切遊也數不以勝備數如

起

色角切頻也心馬印人涉印否五郎切我也瞻印

數

之所主切可數也印昊天音仰望也顓顓印印五

郎切敦王事敦我如字迫也鋪敦淮漬如字厚也敦

也敦弓既堅音雕飾也敦琢既亟只且紀力切急

其旅亦當音雕從文義也也邪思無邪音斜不正也其遠誰謂宋遠如字遠近

也邪虛其邪音徐舒緩也也遠父母兄弟于萬

速也猗綠竹猗猗於宜切盛也猗重較兮於猗切倚

切柔婁弗曳弗婁力俱切弊也出我出我車如字發

弱也婁式居婁驕力住切數也出也匪舌是出尺遂

切出之飲既飲音酒如字飲酒也既食每食無餘如

曰出飲食之音嗣先不自我先如字在前也尚去鳥鼠攸

食之曰食或先之蘇薦切先之曰先去去如字

離也欲銷去之起覃葛之覃兮徒含切延也莫民之

呂切去之曰去以我覃耜以冉切利也莫莫矣

如字定也君婦莫莫音陌追薄言追之如字送也追

靜也維莫之春音暮晚也追琢其章音堆雕也其追

其貊音堆援無然畔援于願切助也虺維虺維蛇許

戎狄也以爾鉤援音袁引也虺鬼切蟲也我

馬虺隤呼蛇維虺維蛇市奢切蟲也湛湛湛露斯直

回切病也蛇委蛇委蛇音移行也湛減切濃也和

樂且湛荅雨以陰以雨如字風雨也雨令自公令之

南切甚也我公田于付切雨之曰雨令力證切號

令也寺人之令射叔善射忌如字藝也終日射侯食

音零使令也射亦切射也無射於人斯音數厭也

辟下民之辟音壁君也其命多辟率方叔率止如字

音僻邪也啓之辟之音闢開也率表率也命將率

所類切將帥也率祝祝祭于祊如字人也侯詛侯祝

彼中陵如字循字祝音呪詛也素絲祝之如字斷也

弔不弔昊天如字邛也假假哉天命古雅切大也假

神之弔矣音的至也假樂君子音格至也湯孫奏

涼曰不可泮思樂泮水如字半也隕其黃而隕如字

如字薄也隕則有泮音畔崖也隕墮也幅隕既長

音負適叔適野如字適往也天摻摻執子之袪所覽

周也位殷適音嫡適庶也摻切攬也摻摻女手

所御切爾天保定爾如字汝也彼說我心則說音悅

纖也爾伊何乃禮切盛也說喜也說于桑田

始銳切止也猶可僭僭如既涵如字進也以害無害

說也如字言也僭僭不僭七心切亂也害無害

如字惠也害辭害朝朝隋于西陟遙切旦也錡維錡

否戶葛切何也朝朝隋于西陟遙切見也錡及釜

其錡切三足釜也又缺母母氏勛勞如字父母也樂

我錡巨宜切鑿屬也母母發我苟音無禁止也樂

鍾鼓樂之音洛歡也送還還予授子之聚兮如字復

之以禮樂音岳器也還也子之還兮音旋周也

行寘彼周行戶郎切列也我獨南行如卷不可卷也

字去也示我顯德行下孟切德也

卷眷勉切卷

舒也有卷且阿

蹻

小予蹻蹻其畧切蹻也

乘

乘彼四駟

如字騎也駟彼乘黃

信

無信人之言如字誠也

掬

有

繩證切四馬曰乘

肺

自有肺腸如字臟也其

佗

委委

之陬陬音俱藁也

待

河切和易也予之養中心養養如字不能定也孝

佗矣音他謂他人也

養

獲八月其獲如字刈也整

遺

棄予如遺如字忘也

日獲

居焦獲音護地名也

也

提歸飛提提是移切羣飛貌

也提

好

人提提如字安諦貌

彭

多行人彭彭必旁切

字張

薦

於薦廣壯如字進也天

數

思無數如字厭也

盛貌

薦

方薦瘡徂殿切重也

天

數耗數下土丁故切

敗鮮

鮮我方將息淺切少也

難

其葉有難及多切盛

也鮮

魚

鱉鮮魚如字新也

難

也天難忱斯如字不

易央和鈴央央於良切中節也 旂旐央央音英鮮明也 青綠竹青青子丁切

字色 蓼子又集于蓼如字草也 澤彼澤之陂如字障也其耕澤澤音釋

土解 疊疊疊文王音尾勉也鳧也 疊疊音門水絕也

詩字音同訓異

皇四國是皇正也皇矣上 極永錫爾極中也昊天罔

夏四月維夏時也不長夏以 戎疾不殄大也戎雖小

也子汝 肆肆成人有德遂也肆于時 公夙夜在公公家

也也 烝文王烝哉君也烝我髦 那有那其居安也 虺虺虺

其雷暴也維征王于出征伐也時維其時矣及時也

將我將我享奉也印印王有旨咎高仰也數數古之人無

鼓有數共小共大共供也令我無令人善也澤澤川澤

盛也共念彼共人恭也令自公令之使也澤訐訐

川也恩澤垂矣恩也定定之方中星也暨暨頃筐暨之

與子同澤褻服也定麟之定題也暨取也民之

攸暨駿邁駿有聲大也駿兩服上襄駕也武允文

息也駿奔走在廟疾也襄獵狁于襄除也武允武

德也履帝武夷昆夷駟矣戎也艾凡詩言艾皆當五

敏猷迹也夷猷狁于夷平也艾蓋切字書本有二

訓一草名可以治疾一老儀樂且有儀容也無非無

也有盡之義不必改音刈儀儀善也儀刑文王則也

矢永矢弗諼誓也特武公寡特孤也微微我弗顧無

矢以矢其音陳也特求爾新特異也微也中國微矣

哀也彼月戾高飛戾天至也烈無競維烈業也厲王而微虧也戾亦維斯戾罪也烈之烈暴虐也二之日

栗烈寒凜也如火烈烈猛熾也之維鳩居之語助也南山烈烈寒同憂心烈烈火同之子于歸是也

思不可求思語助也止亦既見止語助也攸介攸止思齊大任思慮也居也淑慎爾止容也止于丘

隅息爾而成其志爾語助也斯何人斯語助也忌抑也百爾君子汝也斯何斯違斯此也忌磬

忌忌語助也胡斯畏猗河水清且漣猗語助也綠竹忌憚也不妬忌疾也猗猗猗盛也猗與那與歎也

茨葭茨揭揭亂也穀播厥百穀禾也侯美也侯服載載沉載浮則也文王初維維天之命

于周諸侯也載載年也上天之載事也維維天之命

繫也縶維之抑抑磬控忌發語也亦亦可畏也又也式

式微式微發語也不聞亦何何斯遠斯發語也何伊
式法也式穀似之用也何

伊假文王發語也爰爰居爰處于也胡胡得焉何也

伊誰云從爾也爰有兔爰爰緩也胡胡考之寧老

也圉孔棘我圉疆圉也猶猶可說也尚也之子不讎

反以我為讎仇也標標有梅落也寤莫維葉莫莫成

無言不讎答也標辟有標拊心貌莫就也民之莫

也矣定

詩字音異訓同

車

車服不繫其夫如字妃后妃之德也如字兩兩服

王姬之車尺奢切妃喪其妃耦焉音配兩上襄

如字葛屨中惠此中國如字周翻左執翻徒乃切值

五兩音亮中室中興焉張仲切翻其鶩翻音道皆舞

也其夜如何其音基彼其
之子音記皆語辭

字通用

猶

匪大猶是經

猷

秩秩大猶

壹

民德歸壹

一

其儀一兮

詹

六日不詹

瞻

民具爾瞻

屢

屢顧爾僕

婁

婁豐年

甫

古甫作誦

父

家父作誦

嘯

其嘯也歌

歎

條其歎矣

庸

庸鼓有數

鏞

賁鼓維鏞

昆

西有昆夷之患

混

昆夷駝矣

且

匪我思且

徂

思馬斯徂

字借用

匪鴉匪鳶

借鴉為驚

詒

借詒為貽

爾多福

借貽為貽

為國之基

借隊為墜

隊矣

借隊為墜

為墜

樂爾妻帑

借帑為挈

陟降厥士

借士為事

為龍為光

借龍為寵

何人

借龍為寵

為寵

何人

不矜

借矜為鰥

不夙則莫

借莫為暮

以我齊明

借齊為粢

豈弟君子

借豈為愷借弟為悌

於乎不顯

借於為鳴借乎為呼

昏椓靡共

借昏為闇

為下

國駿厖

借厖為尫

不知其郵

借郵為尤

維其卒矣

借卒為萃

伴奭爾

猶矣

借伴為泮借奭為渙

倉兄填兮

借倉為愴借兄為况

碩大且卷

借卷為鬣

漸漸之石

借漸為漸

既醉大平也

借大為太

黃耆台背

借台為胎

幅

幘既長

借幘為圓

不吳不敖

借吳為話

誰能亨魚

借亨為烹

衡從其

畝

借衡為橫借從為縱

害澣害否

借害為曷

汎汎其景

借景為影

天天是

椓

借夭為妖

聊樂我負

借負為云

百禄是何

借何為荷

取妻如之何

借取為娶

召伯所說

借說為稅

勿予過適

借適為謫

復文武之竟土

借竟為境

子之湯兮

借湯為蕩

縣縣其庶

借庶為穰

奄觀銍艾

借艾為刈

重言通用

明明在下赫赫在上赫赫明明王命卿士

天命王命同

穆

穆文王穆穆魯侯○明明天子明明魯侯

天子諸侯同

桓

桓武王桓桓于征○嗟嗟烈祖嗟嗟臣工○穆穆皇

皇烝烝皇皇○文王小心翼翼仲山甫小心翼翼○

雖雖在宮肅肅在廟有來雖雖至止肅肅○疊疊文

王疊疊申伯

君臣同

悠悠蒼天悠悠我思○視天夢夢

視爾夢夢○昭假遲遲行道遲遲

天人同

冬日烈烈如

火烈烈

日火同

秋日淒淒風雨淒淒蒹葭淒淒

日風雨草同

雨雪浮浮江漢浮浮烝之浮浮

雨水氣同

祁祁如雲興雨

祁祁被之祁祁采繁祁祁

雲雨人來同

洪水芒芒宅殷土

芒芒○河水洋洋牧野洋洋

水土同

滔滔江漢武夫滔

滔○秩秩德音秩秩斯干

人水同

明星煌煌檀車煌煌

星車同

桑者閑閑臨衝閑閑○噦噦其冥鸞聲噦噦

人車

同濟濟多士四驪濟濟○王旅嘽嘽嘽嘽駱馬人馬同

君子陽陽龍旂陽陽人旂同胡不旆旆往敎旆旆旂穀同

聽我藐藐既成藐藐人屋同犧尊將將應門將將器屋同

奕奕梁山奕奕寢廟四牡奕奕山屋馬同八鸞喈喈鼓鍾

喈喈雞鳴喈喈車樂禽同無然泄泄桑者泄泄泄泄其羽

人禽同其泣嗶嗶鍾鼓嗶嗶人樂同降福簡簡奏鼓簡簡

福樂同鳴蜩嘒嘒鸞聲嘒嘒嘒嘒管聲蟲車樂同行人儻儻

儻儻俟俟人獸同麋鹿濯濯鉤膺濯濯濯濯厥靈獸物德同

降福穰穰豐年穰穰

福歲同

繇繇瓜瓞繇繇其庶

瓜未同

維葉萋萋葢萋萋

重言字同音訓異

二之日鑿冰沖沖

直釋

也倬草沖沖

勑垂也

○厭厭

於鹽夜飲安也厭厭

於豔

其苗足也○君子陶陶

遥樂也

駉介陶陶

徒適也

○鱣鮪發發

補盛也

飄風發發

如字

疾也○維葉莫莫

如字

成也君婦莫莫

陌靜也

靜也

重言字異音訓同

八鸞鏘鏘鸞聲將將

並七羊切聲也

獨行裊裊嬛嬛在疚

並音

瓊獨也

重言音同字訓異

八鸞瑤瑤八鸞鏘鏘

聲也

八鸞鵠鵠

金飾也並七羊切

嬛嬛在疚

獨也

詩重名

栢舟

邶鄘

谷風

邶小雅

無衣

唐秦

黃鳥

秦小雅

甫田

齊小雅

白華

小雅正變

杕杜

小雅唐有杕之杜

楊之水

王鄭
唐

羔裘

鄭唐
檜


卷三十

詩補傳卷三十

謹按卷二十九第五頁前八行經今榮陽有古鄆
城刊本榮訛榮據地理通釋改

卷三十第二頁後六行注每食無餘刊本每訛年
據經改





覆校官編修臣朱依魯
校對官編修臣李光雲
謄錄監生臣許思光

法華
人記

佛陀教育基金會
釋淨空
敬贈